

مجموعہ سنون

اثر

جمعیت علمیہ عثمانیہ

اوچنچی سنہ

نومرو ۳۱

رجب

استانبول

جمعیت علمیہ عثمانیہ مطبعہ سندہ طبع اولمشد

۱۲۸۱

(خلاصهٔ پولتیقه)

فرانسه و انگلتره و بلژیکا و هولانده دولتری مأموریندن مرکب اوله رق بو دفعه پارسده تشکل اولسان بر قومسپونده خارجدن جلب ایله ممالک مذکوره ده تصفیة اولسان خام شکره متعلق بعض نظاماته و بالخصوص مذکور شکر مصفاک حین اخراجنده اصحابنه ویرلسی معتاد اولان رسمک مقدارینه قرار ویرلش واشبو قرار دول مشار الیههم طرفندن لدی التصدیق بر معاهده قالبته افراغ ایله کانون اولک سکرزنده امضا قلمشدر.

فاس دولتی ممالکنده بعض قبائل رفع لوای عصیان ایلش اولمیرله فاس پادشاهی خضرتری طرفندن اوزر زینه مقدار وافی عسکر سوقیله تحت اطاعتنه ادخال و اوزر زینه کلیتلو ویرکو طرح اوله رق زجر و تکیلاری اجرا قلمشدر.

مقدمه دخی یازلدیغی وجهه اوزره امریقاده برازیلیا دولتیله بونک جانب جنویبسنده واقع پاراغه جمهوری پیننده اعلان حرب اولنق اوزره در. بو ماده برازیلیا دولتی جمهور مذکوری بلع ایتک نیتنده اوله رق براز و اقتدنبور امور داخله سنه مداخله دن خالی اولدیغدن بو دفعه جمهور مذکور برازیلیانک اشبو حرکاتی علیهنه پروتستو ایدوب برازیلیا دخی بوکا قطعاً احاله سمع اعتبار ایتیه رک کانلم یکن حکمنده طوته جغی جوابی ویرمش و بونک اوزر زینه پاراغه جمهوری پروتستوسی احکامنی حرباً اجرا ایده جکنی اعلان ایلش اولسنندن نشأت ایتشدر. معلوم اولدیغی اوزره برازیلیا ممالکی همان اوروپا قطعاً سی جسامنده اولوب فقط اهاالسی بک ازدر. دولت مشار

اینهاست اقصای حدود و واقعه اولوب کندوسنک عشر معشری
 وسعتنده بولسان بویله بر کوچک جمهور ایله اوغراشمسی لایقستر
 اولدیغی مثللو بیهوده تکلفاتی داعی بولدیغی غزته زمطالعاندند.
 ایتالیا پایتختک توریندن فلورانس شهرینه نقلی مسئله سی ایتالیا
 ملت مجلسنه حواله اولمغله خصوص مذکور بر قاج دفعه موقع
 مذاکره قونلش و پایتختک اولوجهله تبدیلی ماده سی مؤخرأ
 فرانسه و ایتالیا دولتری بینده منعقد معاهده احکامی اقتضاسندن
 اولدیغندن ذات مسئله دن قطع نظر بو مقوله داخلی اولان مواده
 اجنبی مداخله سی جائز اولوب اولیده جغی حقیقه پک چوق مباحثات
 جریان ایلشدر. نهایت نقل ماده سی اکثریت ارا ایله قبول اولمش
 و فقط مقدم دخی یازلدیغی وجهله بو تدبیرک تورین اهالیسی بینده
 زیاده سوء تأثیری اولوب حتی بعض حرکات عصیانیده دخی قیام
 ایتش اولمیریه بونلرک اسکاتی ضمنده واقع اوله جق خساراتلرینه
 مقابل مقدار مناسب تضمین ایقه سی اعطاسنه قرار ویرلشدر. بنا
 علیه کرک بو تضمیناتک اعطای و کرک فلورانس ده لازم کله جک مصارفک
 ایفاسی کلی ایقه یه محتاج اوله جغی درکاردر.

امریقاده جنوبولر لوزیان مملکتنده برچوق زنجی اسبر ایدرک سلاک
 عسکریلرینه ادخال ایلشدر. بونک اوزرینه الوم ممالک جنوبیه ده
 مطلق زنجیلرک عسکریلر و بونلردن خدمت عسکریه یه دخول
 ایدنلرک اولادلرله برابر نائل حریت اولمیری متصوردر.

انگلتره و فرانسه دولتری طرفندن بالاتفاق ژاپونیا دولتی اوزرینه
 سوق اولان سفائن اوراده ازوقت ظرفنده غلبه عظمیه یه مظهر اوله رق
 طرفین بینده بو دفعه بر صلح معاهده سی عقد اولمش و بونک

شرایط مهمه سی مواد آیه دن عبارت بولمشد. اولاً حسب العاده اوله رق دوچار اولدقلری کافه مصارف و خسارات ژاپونیا دولتی طرفدن تضمین اولنه جقدر. ثانیاً سیمونوساقی نام یوزغازمن بعداجانبه مفتوح اولوب اوروپالور مملکتک هر طرفنده سرستانه تجارت ایده بیله جکلردر. ثالثاً این عیسوی اجراسی مجاز اوله جقدر. رابعاً بالجمله سفائن اجنبیه هر برلیمانه دخول ایله اقامت ایده بیله جکلردر.

معلوم اولدیغی اوزره ممالک مجتمعه امریقا جمهوری ریاستنک درت سنده برکره تبدیلی اصول موضوعه لری اقتضاسندن اولوب رئیس لینقولنک بودفعه مدتی منقضى اولغله یکن تشرین ثانینک یکریمی سکرنده اجرا اولنان انتخابده مشارالیه موسیولینقولن اکثریت ارا ایله ابقا قلمشدر. شویله که شمال طرفنک الیوم مرکب اولدیغی یکریمی یدی مملکت اهالیسنک اکثری مشارالیه و قصور اوج مملکتن اکثر اهالیسی جنرال ماق قلیلان لهسنده رای ویرمشلردر. خفی اولدیغی وجهله موسیولینقولن امریقادا اسارت اصولی خلافتده بولسانلرک سرآمدانندن اولوب محاربه حاضرده دخی مشارالیهک انتخابندن نشأت ایتشیدی. شمدی تکرار انتخابی اکثریت اهالینک امتداد حرب و قتال ارزوسنده اولدیغی متضمندر. اقلیتده قالمش اولان سالف الذکر جنرال ماق قلیلان ایسه محاربه حاضرده خیلی وقت شمالو اردوسی باش قوماندانلغنده بولنه رق ابرازحسن خدمت ایتش بر ذات اولوب صلح طرفداری اولدیغی مرویدر.